

Cocogake teks ing ngisor iki karo topic cerita ing sisih ngisor!

Sawise Prabu Erlangga seda, kraton Kahuripan kaperang dadi loro yaiku Jenggala lan Panjalu. Kanggo ndadekake Kraton loro dadi siji maneh, Raja Jenggala sarujuk besanan karo Raja Panjalu.

1

Amarga Dewi Sekartaji luwih ayu lan apik budi pakertine yen katandhing karo Galuh Ajeng, mula Raden Inu Kertapati milih Dewi Sekartaji minangka jodhone. Galuh Ajeng sing serik atine banjur golek dalan kanggo nyingkirake Dewi Sekartaji. Saka dhukun tenung, Galuh Ajeng oleh endhog sing wis dijampi-jampi kanggo disisipake ing dhaharane Dewi Sekartaji.

3

"Aja kesuwen, saiki enggal mlakua ngalor temokna Grojogan Mrambat ing Anjuk Ladhang (saiki Nganjuk)! Mesanggraha ana kana, saben esuk lan sore adusa nganggo banyune sing bening! Aja pisan-pisan gawe karusakan ing kana, awit banyune sing suci bisa dadi tambane laramu lan alame sing asri bisa ngadhemake ati sing panas!" ngendikane Dewi Kilisuci sabanjure.

5

Saben dina panjenengane siram lan ngunjuk banyu grojogan. Ora nganti suwe kira-kira pitung dina lawase, penyakite Roro Kuning wis ilang. Roro Kuning mbalik dadi ayu maneh, ayu rupane uga ayu atine.

7

Kacarita, ing Jenggala Raden Inu Kertapati pirsane yen Dewi Sekartaji calon garwane ilang, panjenengane sedhih banget. Saka prajurit andhahane, panjenengane oleh lapuran yen ing Grojogan Mrambat ana wong wadon ayu sing seneng tetulung jenenge Roro Kuning. Raden Inu Kertapati yakin yen Roro Kuning iku sejatine Dewi Sekartaji.

9

Raja Jenggala kagungan putra kakung asmane Raden Inu Kertapati. Dene Raja Panjalu saka garwa prameswari kagungan putri asmane Dewi Sekartaji, lan saka garwa selir kagungan putri asmane Galuh Ajeng. Amarga Dewi Sekartaji luwih ayu lan apik budi pakertine yen katandhing karo Galuh Ajeng, mula Raden Inu Kertapati milih Dewi Sekartaji minangka jodhone.

2

Sawise Dewi Sekartaji dhahar endhog mau, sakujur awake Dewi Sekartaji krasa gatel, padha mlepuh, lan ngetokake ganda amis. Sadhar yen larane ora biasa, Dewi Sekartaji banjur sowan bibine yaiku Dewi Kilisuci pertapan Guwa Selomangleng. "Laramu iki ora lara sembarangan, nanging kowe aja was-sumelang. Yen kowe bisa sabar, gelem ngupaya golek tamba, lan pasrah marang Gusti Kang Maha Kawasa, kowe malah bakal oleh kanugrahan," ngendikane Dewi Kilisuci manteb.

4

Nindakake dhawuhe Dewi Kilisuci, ing Grojogan Mrambat Dewi Sekartaji ngedegake pesanggrahan. Supaya ora konangan yen panjenengane iku putra raja, Dewi Sekartaji ganti asma yaiku Roro Kuning. Panjenengane tansah njaga grojogan supaya tetep resik lan asri.

6

Suwe-suwe Grojogan Mrambat dadi rame, akeh pawongan sing padha golek tamba ing kana. Roro Kuning kanthi suka rena tansah paring tetulung marang sapa dhapadha, kanthi menehi dhaharan lan suguhan marang sakabehe pawongan sing mertamba.

8

Raden Inu Kertapati banjur kadherekake para prajurit mapag Dewi Sekartaji. Sawise ketemu, Dewi Sekartaji kaboyong didadekake garwa ing kraton. Sadurunge kondur ing kraton Raden Inu Kertapati dhawuh, "Besuk yen ana rejane zaman papan iki diarani Grojogan Roro Kuning!"

10

Kanggo ndadekake kraton loro dadi siji maneh, Raja Jenggala pengen besanan karo Raja Panjalu

Kaliyan Dewi Kilisuci, Dewi Sekartaji diutus nemokake Grojogan Mrambat ing Anjuk Ladang kanggo papanleren lan ngobati larane

Grojogan Mrambat banjur dadi rame wong sing golek tamba

Galuh Ajeng, putrid Raja Panjalu sing liyane serik atine, banjur golek dalan kanggo nyingkirake Dewi Sekartaji marang dukun tenung ngliwati endhog sing wis dijampi-jampi

Putra Raja Jenggala sing asmane Raden Inu Kertapati milih Dewi Sekartaji yaiku putrid saka Raja Panjalu lan garwane Prameswari amarga luwih ayu lan apik budi pekertine

Raden Inu Kertapati sing sedih kelangan Dewi Sekartaji, akhiré krungu kabar yen ana wong wadon ayu kang diyakini karo Raden sejatine Dewi Sekartaji

Nindakake dhawuhe Dewi Kilisuci, Dewi Sekartaji ngedegake papan leren ing grojogan Mrambat uga ganti asma dadi Roro Kuning

Dewi Sekartaji banjur dipapag para prajurit utusane Raden Inu Kertapati lan wiwit wektu kuci papan iku kasebut "Grojogan Roro Kuning"

Sawise dhahar endhog, sakujur awake Dewi sekartaji dadi lara. Dewi Sekartaji banjur sowan bibine yaiku Dewi Kilisuci

Kira-kira pitung dina siram lan ngunjuk banyu grojogan, Roro Kuning waras lan mbalik dadi ayu maneh